

ხელშეკრულება (პერიმეტრი)

(აქციის პირობებით)

№ 293

„28“-----12-----2016წ

ქ. თელავი

ააიპ „დედოფლისწყაროს მუნიციპალიტეტის კულტურისა და ძეგლთა დაცვის ცენტრი“ (შემდგომში „დამკვეთად“ წოდებული), მისი დირექტორის ნონა ჯიბლაშვილის სახით, ერთის მხრივ და საქართველოს შინაგან საქმეთა სამინისტროს საჯარო სამართლის იურიდიული პირი-დაცვის პოლიციის დეპარტამენტის კახეთის რეგიონალური დაცვის პოლიციის სამმართველო (შემდგომში „დაცვად“ წოდებული), მისი უფროსის ალექსანდრე იაკობიშვილის სახით, მეორეს მხრივ, ვდებთ წინამდებარე ხელშეკრულებას შემდეგზე:

მუხლი 1. ხელშეკრულების საგანი

1.1. „დაცვა“ შესაბამისი მოკვლევის აქტის საფუძველზე, უზრუნველყოფს ააიპ „დედოფლისწყაროს მუნიციპალიტეტის კულტურისა და ძეგლთა დაცვის ცენტრის დედოფლისწყაროს მხარეთმცოდნეობის მუზეუმის ფონდების დაცვას (შემდგომში „ობიექტად“ წოდებული), რომელიც მდებარეობს მისამართზე: ქ. დედოფლისწყარო, 9 ძმის ქ. N10-ში.

1.2. „ობიექტის“ დაცვა (პერიმეტრული დაცვითი სიგნალიზაციით) განხორციელდება „დამკვეთის“ მიერ „ობიექტის“ დაცვის ცენტრალიზებულ პუნქტზე ჩაბარებისა და „დაცვის“ მიერ ობიექტის დაცვაში აყვანის შემდეგ.

1.3. „ობიექტის“ დაცვას განხორციელებს საქართველოს შსს სსიპ დპდ კახეთის რეგიონალური დაცვის პოლიციის სამმართველო ცენტრალიზებული დაცვის პუნქტის მეშვეობით.

მუხლი 2. ანგარიშსწორების პირობები

2.1. დაცვის მომსახურების ღირებულება აქციის პირობებით ერთ თვეში შეადგენს 145 (ასორმოცდახუთი) ლარს დღგ-ს ჩათვლით.

2.2. ანგარიშსწორება მხარეთა შორის მოხდება დაცვის მომსახურების საგადასახადო დოკუმენტაციის წარდგენიდან 5 სამუშაო დღეში.

2.3. „დაცვის“ მომსახურების საგადასახადო დოკუმენტაციის შედგენას ელექტრონული ანგარიშგაქტურით უზრუნველყოფს შსს სსიპ-დპდ კახეთის რეგიონალური დაცვის პოლიციის სამმართველო.

მუხლი 3. მხარეთა უფლება-მოვალეობანი.

3.1 „დაცვა“ ვალდებულია:

3.1.1. წინამდებარე ხელშეკრულების მოქმედების ვადით, ხელშეკრულების მომსახურების უზრუნველყოფის მიზნით, საკუთარი ხარჯებით უზრუნველყოს მის საკუთრებაში არსებული 1600 (ათას ექვსასი) ლარამდე ღირებულების (დანართი №1) აპარატურის (მოწყობილობები) მონტაჟ-ინსტალაცია დამკვეთის ობიექტზე;

3.1.2. ცენტრალიზებული დაცვის პულტზე განგაშის მიღებიდან მყისიერად, არაუგვიანეს 5 (ხუთი) წუთისა მოახდინოს „ობიექტზე“ გამოცხადება და ადგილზე მისვლის შემდეგ, უზრუნველყოს დანაშაულისა და სხვა სამართალდარღვევის აღკვეთა-აცილება.

3.1.3. „ობიექტზე“ აღმოჩენილი ზარალის შესახებ დაუყოვნებლივ აცნობოს „დამკვეთს“ და უზრუნველყოს შს შესაბამისი ორგანოების გამოძახება, ხოლო მათ მოსვლამდე დაიცვას შემთხვევის ადგილის ხელშეუხებლობა

3.1.4. „დამკვეთს“ ფაქტიური ზარალი აუნაზღაუროს სასამართლოს მიერ ძალაში შესული გადაწყვეტილების საფუძველზე.

3.1.5. ზარალის ოდენობის განსაზღვრის მიზნით მონაწილეობა მიიღოს შედარების აქტის შედგენაში, რომელიც უნდა ეყრდნობოდეს „დამკვეთის“ საბუღალტრო დოკუმენტაციას და ადასტურებდეს დაცვის პოლიციის დეპარტამენტის შესაბამისი დანაყოფის ხელმძღვანელობის ხელმოწერა.

3.1.6. სიგნალ „განგაშის“ მიღებისას ობიექტის გასახსნელად, სიგნალის ამუშავების მიზეზის დასადგენად, აგრეთვე ობიექტის ხელმეორედ დაცვაზე ასაყვანად გამოიძახოს „დამკვეთი“, ან ობიექტის მიღება-ჩაბარებაზე პასუხისმგებელი პირი.

3.1.7. არ მიიღოს „ობიექტი“ დაცვაში, თუ არ შესრულდა მოკვლევის აქტით განსაზღვრული მოთხოვნები, ან შეიქმნა პირობები რომლის გამოც, „დაცვისაგან“ დამოუკიდებელი მიზეზებით არ ხერხდება დაცვაში აყვანა, რაზედაც „დამკვეთს“ ეცნობა წინასწარ.

3.1.8. იკისროს პასუხისმგებლობა მხოლოდ იმ ზარალისათვის, რომელიც გამოიწვია „დაცვის“ ვალდებულებების არაჯეროვანმა შესრულებამ და არა „დამკვეთის“ დაუდევრობამ.

3.1.9. დაცვა უფლებამოსილია ცალმხრივად შეწყვიტოს ხელშეკრულება დამკვეთის მიერ ხელშეკრულებით გათვალისწინებული ვალდებულებების შეუსრულებლობის, ან ერთი თვის სახელშეკრულებო თანხის გადაუხდელობის შემთხვევაში.

3.2. „დამკვეთი“ ვალდებულია :

3.2.1. „ობიექტის“ დაცვაზე მიღება-ჩაბარებისათვის ოფიციალურად გამოყოს პასუხის-მგებელი პირი და გადასცეს მას სიგნალიზაციით სარგებლობის ან ხელშეკრულებით გათვალისწინებული სხვა ვალდებულებების შესრულების უფლება.

3.2.2. განგაშის შემთხვევაში „დაცვას“ მისცეს დასაცავი „ობიექტის“ გახსნისა და დათვალიერების საშუალება.

3.2.3. უცხო პირებს არ გაანდოს დაცვის ტექნიკური საშუალებების გამოყენების წესები, ობიექტზე მინიჭებული პირობითი ნომერი.

3.2.4. სიგნალიზაციის გაუმართაობის შემთხვევაში დაუყოვნებლივ აცნობოს ამის შესახებ „დაცვას“, დაელოდოს „დაცვის“ წარმომადგენლის გამოცხადებას და ნაკლოვანებების აღმოფხვრას.

3.2.5. ელექტრო-ენერჯის ავარიული გამორთვის შემთხვევაში იქონიოს გამართულ მდგომარეობაში დასამუხტი და სარეზერვო მკვებავი საშუალებები.

3.2.6. წინამდებარე ხელშეკრულების 3.1.1. პუნქტში მითითებული მოწყობილობების (რომლებიც წარმოადგენს საქართველოს შსს სსიპ დპდ-ს საკუთრებას და დროებით სარგებლობაში უსასყიდლოდ არის გადაცემული „დამკვეთი“-სათვის) განზრახ ან გაუფრთხილებლობით დაზიანების შემთხვევაში აანაზღაუროს მიყენებული ზარალი, განსაზღვრული დაცვითი-საგანგაშო სიგნალიზაციის მონტაჟ-ინსტალაციის აქტის „ბ“ პუნქტით და დანართი 1-ით მითითებული ღირებულებების შესაბამისად.

3.2.7. უზრუნველყოს მოკვლევის აქტით განსაზღვრული მოთხოვნების შესრულება.

3.2.8. არ დაუშვას „შემსრულებლის“ მიერ დამონტაჟებული აპარატურის გადაკეთება ან შეკეთება დპდ-ს წარმომადგენლის გარეშე, წინააღმდეგ შემთხვევაში დაცვა არ აგებს პასუხს დამკვეთის თვითნებური მოქმედებით გამოწვეულ გაუმართაობაზე (შეფერხებაზე) და დამკვეთისათვის მიყენებულ ზარალზე.

3.2.9. რეკვიზიტების (მისამართი, საკონტაქტო ტელეფონები) შეცვლის შემთხვევაში, დაუყოვნებლივ აცნობოს „დაცვას“.

3.2.10. ხელშეკრულების ცალმხრივად შეწყვეტის თაობაზე გადაწყვეტილების მიღებისას დამკვეთი ვალდებულია აღნიშნული გადაწყვეტილების შესახებ 10 დღით ადრე წერილობითი ფორმით აცნობოს დაცვას.

3.2.11. ხელშეკრულების შეწყვეტის შემთხვევაში, დაცვითი-საგანგაშო სიგნალიზაციის მონტაჟ-ინსტალაციის მიღება-ჩაბარების აქტის „ბ“ პუნქტით განსაზღვრული მოწყობილობების შემოწმებისა და დემონტაჟის მიზნით, ვალდებულია უზრუნველყოს დაცვის წარმომადგენლების დაშვება ობიექტზე.

3.2.12. „დაცვას“ 15 დღით ადრე აცნობოს და მასთან შეთანხმებით გადაწყვიტოს „ობიექტზე“-მოსალოდნელი ყველა ის ცვლილება, რომელიც შეეხება დაცვის უსაფრთხოებას („ობიექტის“ დაცვითი სიგნალიზაციით აღჭურვა, მუშაობის რეჟიმის ცვლილება, სამშენებლო, სარემონტო სამუშაოების წარმოება და ა.შ)

3.3. დაცვა პასუხისმგებლობას არ კისრულობს თუ:

3.3.1. დამკვეთმა არ შეასრულა ხელშეკრულებით გათვალისწინებული პირობები, პირველადი და შემდგომი გამოკვლევის აქტების მოთხოვნები.

3.3.2. თანამშრომელთა პირად საკუთრებაზე, რომლებიც დატოვეს დასაცავ ობიექტში.

3.3.3. მატერიალური ფასეულობების ქურდობისათვის, თუ ქურდობა ჩადენილია „დამკვეთი“-ს მიერ „ობიექტი“-ს დაცვისათვის ჩაუბარებლობის მიზეზით.

3.3.4. მატერიალური ფასეულობების ქურდობისათვის, თუ ქურდობა ჩადენილია ობიექტზე შეღწევის გარეშე.

მუხლი 4. ფორს-მაჟორი

4.1. მხარეები თავისუფლდებიან ხელშეკრულებით გათვალისწინებული ვალდებულებების შესრულებისაგან ფორს-მაჟორული შემთხვევების დროს, რომლის დროსაც შეუძლებელია დაკისრებულ მოვალეობათა შესრულება და რაც დადასტურებულია სათანადო ორგანოების მიერ.

მუხლი 5. ხელშეკრულების მოქმედების ვადა

5.1. ხელშეკრულება ძალაში შედის 2017 წლის 01 იანვრიდან და მოქმედებს 2017 წლის 31 დეკემბრის ჩათვლით.

მუხლი 6. ხელშეკრულების სხვა პირობები

- 6.1. წინამდებარე ხელშეკრულების განუყოფელ ნაწილს წარმოადგენს დანართი 1, მხარეთა მიერ შედგენილი დაცვითი-საგანგაშო სიგნალიზაციის სისტემის მონტაჟ-ინსტალაციის სამუშაოების მიღება-ჩაბარების აქტი და მხარეთა შორის გაფორმებული „ობიექტის“ მოკვლევის აქტი.
- 6.2. დაცვა უფლებამოსილია ხელშეკრულების შეწყვეტიდან 3 სამუშაო დღის ვადაში განახორციელოს დაცვითი-საგანგაშო სიგნალიზაციის სისტემის მონტაჟ-ინსტალაციის მიღება-ჩაბარების აქტის „ბ“ პუნქტით განსაზღვრული მოწყობილობების შემოწმება და დემონტაჟი;
- 6.3. დაცვითი-საგანგაშო სიგნალიზაციის სისტემის მონტაჟ-ინსტალაციის მიღება-ჩაბარების აქტის „ბ“ პუნქტით განსაზღვრული მოწყობილობები წარმოადგენს დაცვის საკუთრებას;
- 6.4. სადავო საკითხებს მხარეები წყვეტენ ურთიერთშეთანხმებით, ხოლო შეთანხმების მიუღწევლობის შემთხვევაში სასამართლოს მეშვეობით.
- 6.5. წინამდებარე ხელშეკრულებაში ცვლილებებისა და დამატებების შეტანა შესაძლებელია მხოლოდ მხარეთა წერილობითი შეთანხმებით, რომელიც წარმოადგენს ხელშეკრულების შემადგენელ და განუყოფელ ნაწილს.
- 6.6. დამკვეთის მოთხოვნის შემთხვევაში, დაცვა ვალდებულია გასცეს დამკვეთზე დამატებითი ერთჯერადი ოთხნიშნა კოდი (შემდგომში-კოდი);
- 6.7. დამკვეთის მიერ კოდი გამოიყენება მხოლოდ იმ შემთხვევებში, როდესაც ობიექტზე მართლსაწინააღმდეგო შეღწევა ან შეღწევის მცდელობა ხორციელდება დამკვეთზე ან მის უფლებამოსილ პირზე მათი სიცოცხლის და/ან ჯანმრთელობისათვის საშიში რეალური მუქარის საფუძველზე.
- 6.8. კოდის გამოყენების შემთხვევაში, იგი უქმდება და მოთხოვნის შემთხვევაში გაიცემა ახალი კოდი.
- 6.9. კოდის გაცემის ღირებულებაა 15 (თხუთმეტი ლარი) ლარი, რომელსაც დამკვეთი იხდის საბონენტო გადასახადთან ერთად.
- 6.10. ობიექტის დაცვაში აყვანის დღიდან ერთ წლის განმავლობაში დამკვეთის ინიციატივით წინამდებარე ხელშეკრულების ცალმხრივად შეწყვეტის შემთხვევაში დამკვეთი ვალდებულია გადაუხადოს დაცვას პირგასამტეხლო 200 (ორასი) ლარის ოდენობით.
- 6.11. წინამდებარე ხელშეკრულების ძალაში შესვლის დღიდან ძალადაკარგულად ჩაითვალოს 2013 წლის 01 ივნისის №401 ხელშეკრულება და 2016 წლის 21 მარტის N78 ურთიერთშეთანხმება.
- 6.12. ხელშეკრულება შედგენილია სამი თანაბარი იურიდიული ძალის მქონე ეგზემპლარად, რომელთაგან ერთი ინახება „დამკვეთთან“, ხოლო ორი „დაცვასთან“.

მხარეთა რეკვიზიტები და ხელმოწერები

„დამკვეთი“

აიპ „დედოფლისწყაროს მუნიციპალიტეტის კულტურისა და ძეგლთა დაცვის ცენტრი“. ს/კ 428519739. იურიდიული მის. საქართველო, დედოფლისწყარო, კოსტავას ქ., №1. ტელ: 555 56 14 94.

დირექტორი



ნ. ჯიბლაშვილი

„დაცვა“

შსს სსიპ-დბდ კახეთის რეგიონალური დაცვის პოლიციის სამმართველო. ს/კ 211350928.

მიმღების ბანკი - სახელმწიფო ხაზინა;
 მიმღების დასახელება - ხაზინის ერთიანი ანგარიში;
 ბანკის კოდი: TRESGE22 ;
 მიმღების ანგარიში/სახაზინო კოდი 707117046;
 ქ. თელავი. ჩოხელის ქ N 35.

კახეთის რეგიონალური დბ სამმართველოს უფროსი



შეთანხმებულია:

შსს სსიპ - დჰდ კახეთის რეგიონალური დაცვის პოლიციის
სამმართველოს მთავარი სპეციალისტი (იურისტკონსულტი)
პოლიციის უფროსი ლეიტენანტი



ი. ყორიაშვილი

შეასრულა :

შსს სსიპ - დჰდ კახეთის რეგიონალური დაცვის პოლიციის
სამმართველოს დაცვის ტექნიკური საშუალებებით
უზრუნველყოფის ჯგუფის ინსპექტორი (მომკვლევე)
პოლიციის უმცროსი ლეიტენანტი



გ. ნადაშვილი



უსასყიდლოდ დამონტაჟებული მასალების ჩამონათვალი

ხარჯთაღრიცხვის N	მასალების ღირებულება	948.05
ხელშეკრულების თარიღი	მონტაჟი	0,00
ხელშეკრულების სტარტ თარიღი	რენტაბელობა	0,00
ხელშეკრულების ვადა	დ.ღ.გ.	170.65
ხელშეკრულების პროლონგაცია	ხელშეკრულების	1,118.70

დამკვეთის ს/კ 428519739
 დამკვეთის დასახელება ააიპ დედოფლისწყაროს მუნიციპალიტეტი
 კულტურისა და ძეგლთა დაცვის ცენტრი
 საქართველო, ქ. დედოფლისწყარო
 კოსტავას ქ. N1
 დამკვეთის მისამართი ქ. დედოფლისწყარო 9 ძმის ქ. 10
 ობიექტის მისამართი ნონა ჯიბლაშვილი
 ხელის მომწერი

№	დასახელება	საბ კოდი	შტრიხ კოდი №	რაოდ	ერთ. ფასი	თანხა	დღგ	თანხა დღგ-ს ჩათვლით
1	საკონტროლო პანელი კლავიატურა			1	206	206	37.08	243.08
2	4 ზონიანი რადიოგადამცემი			1	465	465	83.70	548.70
3	მინის მსხვერვის დეტექტორი			4	53	212	38.16	250.16
4	მოდრაობის დეტექტორი			5	13.01	65.05	11.71	76.76
	სულ			11		948.05	170.65	1,118.70
	სულ დღგ-ს ჩათვლით					1,118.70		

ხელისმომწერი:

შემსრულებელი:

საქ.შსს სსიპ-დპდ კახეთის
რეგიონალური დაცვის პოლიციის
სამმართველოს უფროსი,
პოლიციის პოლკოვნიკი



ნონა ჯიბლაშვილი



ა. იაკობიშვილი

შეთანხმებულია:

შსს სსიპ - დბდ კახეთის რეგიონალური დაცვის პოლიციის
სამმართველოს განსაკუთრებით მნიშვნელოვან საქმეთა ინსპექტორი
(მთავარი ბუღალტერი)



ლ. სირბილაშვილი

შეასრულა :

შსს სსიპ - დბდ კახეთის რეგიონალური დაცვის პოლიციის
სამმართველოს დაცვის ტექნიკური საშუალებებით
უზრუნველყოფის ჯგუფის ინსპექტორი (მომკვლვეი)
პოლიციის უმცროსი ლეიტენანტი



გ. ნადაშვილი

